

MINISTARSTVO UNUTRAŠNJIH POSLOVA KANTONA SARAJEVO, ulica La Benevolencije broj 16, koje zastupa ministar Admir Katica, (u daljem tekstu: Kupac) i

“PRINTEX” d.o.o. Sarajevo, ulica Hasana Sušića broj 9, koje zastupa direktor Igor Siručić (u daljem tekstu: Dobavljač)

zaključili su:

## UGOVOR O NABAVCI TONERA, RIBONA I DRUM UNIT-A

### PREDMET UGOVORA

#### Član 1.

Predmet ugovora je sukcesivna nabavka tonera, ribona i drum unit-a za potrebe Ministarstva unutrašnjih poslova Kantona Sarajevo, po provedenom otvorenom postupku, na osnovu Odluke o pokretanju postupka broj 01-11-4-6272 od 19.11.2021. godine, Obavještenja o nabavci broj 1364-1-1-55-3-29/21 od 19.11.2021. godine i Odluke o izboru ponuđača broj 01-11-4-6272-7/22 od 22.03.2022. godine, a u skladu sa uslovima iz tenderske dokumentacije, ponudom Dobavljača, odredbama Okvirnog sporazuma broj: 01-11-4-6272-8-OS/22 od 26.04.2022. godine i stvarnim potrebama Kupca.

Ponuda Dobavljača broj 70/21 od 06.12.2021. godine, Obrazac za cijenu ponude nakon provedene e-aukcije broj 70/21 od 13.04.2022. godine kao i Izvještaj o toku i završetku e-aukcije od 16.03.2022. godine čine sastavni dio ovog Ugovora.

### VRIJEDNOST I ROK ISPORUKE

#### Član 2.

Vrijednost nabavke iz člana 1. ovog Ugovora, bez PDV-a, iznosi 64.000,00 KM (šezdesetčetirihiljade i 00/100 KM).

Dobavljač se obavezuje da cijene iz Ponude neće mijenjati za vrijeme trajanja ovog Ugovora.

#### Član 3.

Roba iz člana 1. ovog Ugovora će se isporučivati sukcesivno, prema narudžbama Kupca, a u skladu sa potrebama Kupca.

Dobavljač se obavezuje da ugovorenu isporuku roba izvrši u roku od tri dana od dana prijema narudžbe.

#### Član 4.

Kvantitativni prijem robe iz ovog Ugovora Kupac će kontrolisati prilikom prijema robe.

Ukoliko kvantitet ne odgovara naručenom, Kupac neće primiti robu.

Reklamacije na kvalitet Kupac može uložiti pismenim putem u roku od osam dana od prijema robe. Dobavljač se obavezuje da će reklamaciju na kvalitet riješiti u roku od tri dana.

Garantni rok za isporučenu robu je šest mjeseci od dana isporuke.

### NAČIN PLAĆANJA

#### Član 5.

Plaćanje se vrši u roku od 30 dana od dana prijema fakture.

## RJEŠAVANJE SPOROVA

### Član 6.

Ukoliko poslije zaključenja ovog Ugovora nastupe okolnosti više sile koje dovedu do ometanja ili omogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u okvirnom sporazumu i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u okvirnom sporazumu koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

### Član 7.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

## ZAVRŠNE ODREDBE

### Član 8.

Ugovor stupa na snagu danom potpisivanja ovlaštenih predstavnika i traje do realizacije ugovorenog iznosa ali ne duže od trajanja okvirnog sporazuma.

### Član 9.

Ovaj ugovor izrađen je u četiri istovjetna primjerka, od kojih po dva zadržava svaka ugovorna strana.

DOBAVLJANOM ODGOVORNOSTU ZA  
"PRINTEX" d.o.o. SARAJEVO  
KOMUNIKACIJSKI INŽENJER  
RING  
SARAJEVO  
IZ OBLASTI  
RAČUNARSKI

\_\_\_\_\_  
direktor, Igor Siručić

KUPAC  
MINISTARSTVO UNUTRAŠNJI POSLOVA  
KANTON SARAJEVO  
\_\_\_\_\_  
Ministar, Adnan Katica

\_\_\_\_\_  
Broj: 01-103/22  
Datum: 09.05.2022. godine

\_\_\_\_\_  
Broj: 01-11-4-6272-9/22  
Datum: 27.04.2022. godine